



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, 1663

S. Rumoldus Ep. Mart. 1. Iulii.

urn:nbn:de:hbz:466:1-41940

S. RUMOLDUS EP. MART.

I. Iulii.

Quid mirum, ô parentes, si quos vobis **D**EUS tantisper concedit filios, cum lubet, aufert iterum? Suum ille repetit, & quas vos in liberis delicias quaeritis, amore, si fas est dicere, etiam ille deperit. Ita **RUMOLDUM** Davidis Scottorum Regis filium, non nisi precibus extortum, in tempore sibi iterum vindicavit. Angelo misso, qui juvenem edocuit, quantum aeternatura regna perituris antistarent. Quare **RUMOLDUS** caelo jam tum oculos circumferens facile sponsam, sceptrum patrium & adeò humana omnia despexit. Sed & Pontificatum Dublinensem, cum patre demortuo ad regni gubernacula abstrahere illum cives vellent, fugâ deseruit, iterum ad hoc optimo consiliario Angelo usus. Hoc tam bono Duce Romam, inde in Brabantiam profectus, Adoni Comiti precibus suis apud *Deum* filium impetravit, & hunc ipsum, ut bis se **RUMOLDO** deberet, aquis haustum invitam restituit. Inter hæc dum templum alienâ liberalitate, sed suis curis, ædificat, geminæ operæ consilium viri è medio tollendi ceperunt, opum, quas ingentes penes ipsum credebant, hereditatem parricidio adituri. At tanti sceleris merces fuit
 num-

416 VITÆ SANCTORUM. I. Iulii.
nummus tergeminus repertus. Corpus in
fluvium abjectum caeleste prodidit lu-
men, quod omnem ab eo locu noctem fu-
gabat. Extraxere igitur pisces Rumol-
dum mortuum, ingentem tamen vel ta-
lem Adoni comiti prædam. Ex Lippeloo.

*Expecta quotidie finem vite, & ad iter
illud te para; quâ enim horâ mihinè putas,
mandatum asferetur: vix autem illis, quos
tunc imprudentes opprimet & imparatos.
Cordis compunctio est curandis hominum
animis medicina. S. Ephrem de Vitâ
spirit.*

S. EBERHARDUS EPISC. I. Iulii.

EBERHARDUS gente Bojus, genere
Comes; cum e Collegio Bamber-
gensium Canonicorum ad Religiosorum
se juvenis transtulisset, à suis inde no-
lens extractus & in Gallias est amanda-
tus; ut (quod hodie etiam amat fieri)
cum veste mores sanctos & sanctiora
proposita poneret. Sed non præpotuere
Numini amicorum inimica consilia. Re-
dux enim in idem monasterium se abdi-
dit; Biburgensi dein Asceterio, mox
etiam Salisburgensi Episcopatu iustus
præfesse, in miseros, si quisquam alius,
pius fuit. Itaque Promum Condom et si
feniculum insequi hospitem Biburgo Ra-
tisponam usque compulit, & quem tran-
seunti negaverat, vini haustum defer-

re.